

**საჯარო სამართლის იურიდიული პირი –
შოთა რუსთაველის სახელმწიფო უნივერსიტეტი
წ ა რ მ ო მ ა დ გ ე ნ ლ ო ბ ი თ ი ს ა ბ ჭ ო**

მისამართი: 6010, ქ. ბათუმი,
ნინოშვილის ქ., №35

ტელ/ფაქსი: (+995 222) 7 17 82
ელ. ფოსტა: warmomadgenlobiti@mail.ru

ბ ა დ ა წ ყ ვ ე ტ ი ლ ე ბ ა № 02

ქ. ბათუმი

31 იანვარი, 2012 წ.

**საჯარო სამართლის იურიდიული პირის - შოთა რუსთაველის სახელმწიფო
უნივერსიტეტის 2011-2012 სასწავლო წლის მე-2 სემესტრში სპეციალური სასწავლო
სოციალური პროგრამის „სტუდენტთა შეღავათები სწავლის საფასურში“
განხორციელების წესის დამტკიცების თაობაზე**

„უმაღლესი განათლების შესახებ“ საქართველოს კანონის მე-18 მუხლის, რსუ-ს
წესდების მე-10 მუხლის, რსუ-ს ადმინისტრაციის ხელმძღვანელის 2012 წლის 27
იანვრის ბრძანებისა და წარმომადგენლობითი საბჭოს რეგლამენტის საფუძველზე
წარმომადგენლობითმა საბჭომ

გ ა დ ა წ ყ ვ ე ტ ა :

1. დამტკიცდეს საჯარო სამართლის იურიდიული პირის - შოთა რუსთაველის
სახელმწიფო უნივერსიტეტის სპეციალური სასწავლო სოციალური
პროგრამის „სტუდენტთა შეღავათები სწავლის საფასურში“ განხორციელების
წესი (დანართი 1);
2. გადაწყვეტილება ძალაშია ხელმოწერისთანავე.

წარმომადგენლობითი საბჭოს სპიკერი,
პროფესორი

\ვ.ქაშიბაძე\

„სტუდენტთა შეღავათები სწავლის საფასურში“
რსუ-ს სპეციალური სასწავლო სოციალური პროგრამის
2011-2012 სასწავლო წლის მე-2 სემესტრში
განხორციელების წესი

მუხლი 1. პროგრამის აქტუალობა

სოციალურად დაუცველ პირთა საზოგადოებაში ინტეგრაცია და სოციალური მდგომარეობის გაუმჯობესება სახელმწიფოს სოციალური პოლიტიკის ერთ-ერთ პრიორიტეტულ მიმართულებას წარმოადგენს. განათლების სფეროში მოქმედი ყველა საერთაშორისო დოკუმენტი, უმაღლესი საგანმანათლებლო დაწესებულებების უმნიშვნელოვანეს ფუნქციად სოციალურად დაუცველი და შეზღუდული შესაძლებლობების მქონე სტუდენტების ხელშეწყობას მიიჩნევს. აქედან გამომდინარე, შოთა რუსთაველის სახელმწიფო უნივერსიტეტის ამოცანაა მაქსიმალურად შეუწყოს ხელი სტუდენტებს სწავლის სათანადო პირობების შექმნაში, რისთვისაც შეიქმნა წინამდებარე პროგრამა პირველად 2007-2008 წელს და გრძელდება 2011-2012 სასწავლო წლის მე-2 სემესტრშიც.

მუხლი 2. პროგრამის მიზანი

პროგრამის მიზანია „უმაღლესი განათლების შესახებ“ საქართველოს კანონისა და რსუ-ს წესდების შესაბამისად, სოციალურად დაუცველი ოჯახის წევრ, აკადემიური უმაღლესი განათლების პირველი საფეხურის - ბაკალავრიატის სტუდენტებისათვის სწავლის საფასურის გადახდაში ამ წესითა და პირობებით გათვალისწინებული შეღავათების მინიჭება.

მუხლი 3. პროგრამის ამოცანები

პროგრამის ამოცანაა დადგენილი წესით სტუდენტთა განცხადებების განხილვის შედეგად, სწავლის საფასურის შეღავათების უფლების მქონე სტუდენტთა კონტიგენტის დადგენა, შეღავათების კატეგორიების განსაზღვრა.

მუხლი 4. პროგრამის ღონისძიებები

1. პროგრამის განხორციელების მიზნით მოქმედებს ადმინისტრაციის ხელმძღვანელის ბრძანებით შექმნილი სპეციალური კომისია, რომელიც შედგება რსუ-ს ადმინისტრაციის, ფაკულტეტებისა და სტუდენტთა თვითმმართველობის წარმომადგენლებისაგან.

2. 2011-2012 სასწავლო წლის მეორე სემესტრის დაწყებამდე კომისია ადგენს და აქვეყნებს განცხადებას სპეციალური სასწავლო სოციალური პროგრამის განხორციელების შესახებ.

3. კომისიის მიერ განცხადებები განიხილება ინდივიდუალურად, დადგენილი კრიტერიუმების მიხედვით და მიღებული გადაწყვეტილება წარედგინება ადმინისტრაციის ხელმძღვანელს სწავლის საფასურის შეღავათების მინიჭების შესახებ ადმინისტრაციული აქტის გამოსაცემად.

4. პროგრამაში მონაწილეობის მისაღებად სტუდენტებმა რსუ-ს კანცელარიაში უნდა წარმოადგინონ:

ა) განცხადება (დანართი 2);

- ბ) საქართველოს მოქალაქის პირადობის მოწმობისა (პასპორტის) და დაბადების მოწმობის ასლი;
- გ) ფაკულტეტის მიერ გაცემული ცნობა სტუდენტის აკადემიური მოსწრების შესახებ (ცნობა გაიცემა მხოლოდ სტუდენტის სტატუსში მყოფ პირებზე);
- დ) სოციალურად დაუცველი ოჯახების მონაცემთა ერთიან ბაზაში რეგისტრაციის მოწმობის ასლი (სარეიტინგო ქულა ტოლია ან ნაკლებია 70 000 –ზე);
- ე) მკვეთრად გამოხატული შეზღუდული შესაძლებლობის დამადასტურებელი სამედიცინო ცნობა;
- ვ) საქართველოს ვეტერანთა საქმეების დეპარტამენტის მიერ გაცემული მოწმობის ასლი, რითაც დასტურდება, რომ სტუდენტი არის საქართველოს ტერიტორიული მთლიანობისთვის ბრძოლაში დაღუპულის შვილი ან ცნობა ლტოლვილთა და განსახლების სამინისტროდან მშობლის საქართველოს ტერიტორიული მთლიანობისათვის ბრძოლაში უგზოუკვლოდ დაკარგულად აღიარების შესახებ (ასეთის არსებობის შემთხვევაში);
- ზ) მშობლის გარდაცვალების მოწმობის ასლი (დედანთან ერთად);
- თ) მრავალშვილიანი (ოთხი ან მეტი შვილი) ოჯახის წევრი სტუდენტისა და მისი და – ძმების პირადობის მოწმობის ასლები;
- ი) ლტოლვილთა და განსახლების სამინისტროს მიერ გაცემული იძულებით გადაადგილებული პირის (დევნისის) სტატუსის დამადასტურებელი მოწმობის ასლი;

მუხლი 5. პროგრამის დაფინანსება

სპეციალური სასწავლო სოციალური პროგრამის დაფინანსების წყაროს წარმოადგენს სსიპ - შოთა რუსთაველის სახელმწიფო უნივერსიტეტის ბიუჯეტი.

მუხლი 6. პროგრამაში მონაწილე პირები

პროგრამის განხორციელებაში მონაწილეობენ რსუ-ს უმაღლესი აკადემიური განათლების პირველი საფეხურის სტუდენტები. ამ პროგრამაში არ მონაწილეობს სტუდენტი, რომელიც იღებს ფინანსურ სარგებელს რსუ-დან (სახელობით/ჩვეულებრივ ან სხვა სახის სტიპენდიას) ან გააჩნია სახელმწიფო სასწავლო გრანტი.

მუხლი 7. შეფასების კრიტერიუმები

1. პროგრამის მიხედვით შეღავათები მიენიჭება:

- ა) სტუდენტს, რომელსაც 2011-2012 სასწავლო წლის პირველი სემესტრის შედეგების მიხედვით ყველა სასწავლო დისციპლინაში მიღებული აქვს შეფასება ძალიან კარგი (81 და მეტი ქულა);
- ბ) სტუდენტს, რომელიც არის სოციალურად დაუცველი ოჯახების მონაცემთა ერთიან ბაზაში რეგისტრირებული (სარეიტინგო ქულა ტოლია ან ნაკლებია 70 000 –ზე);
- გ) სტუდენტს, რომელიც არის მკვეთრად გამოხატული შეზღუდული შესაძლებლობის მქონე;
- დ) სტუდენტს, რომელიც არის საქართველოს ტერიტორიული მთლიანობისთვის ბრძოლაში დაღუპულის ან საქართველოს ტერიტორიული მთლიანობისათვის ბრძოლაში უგზო-უკვლოდ დაკარგულად აღიარებულის შვილი;
- ე) სტუდენტს, რომელიც არის ობოლი (დედით ან მამით);
- ვ) სტუდენტს, რომელიც არის მრავალშვილიანი (ოთხი ან მეტი შვილი) ოჯახის წევრი;

ზ) სტუდენტს, რომელიც არის იძულებით გადაადგილებული (დევნილის) სტატუსის მქონე;

2. ამ მუხლში აღნიშნულ საშეღავათო კრიტერიუმებიდან კონკურსში მონაწილეობის მისაღებად სავალდებულოა „ა“ ქვეპუნქტით გათვალისწინებული კრიტერიუმისა და ასევე პირველი პუნქტით გათვალისწინებული ერთ-ერთი რომელიმე სხვა კრიტერიუმის არსებობა.

3. ამ მუხლში გათვალისწინებულ კრიტერიუმებს ენიჭება შემდეგი ქულები:

3.1. პირველი კრიტერიუმი - არაუმეტეს 70 ქულა;

ა) 70 ქულა ენიჭება (91 და მეტი შეფასებების მქონე სტუდენტებს);

ბ) 50 ქულა ენიჭება (81-დან 90 ქულის ჩათვლით შეფასებების მქონე სტუდენტებს);

3.2. მეორე კრიტერიუმი – 15 ქულა;

3.3. მესამე კრიტერიუმი – 8 ქულა;

3.4. მეოთხე კრიტერიუმი – 8 ქულა;

3.5. მეხუთე კრიტერიუმი – 8 ქულა;

3.6. მეექვსე კრიტერიუმი – 8 ქულა;

3.7. მეშვიდე კრიტერიუმი – 8 ქულა;

სულ მაქსიმალური - 125 ქულა;

4. დამტკიცებული კრიტერიუმების მიხედვით დაგროვილი ქულათა ჯამის შესაბამისად სტუდენტს მიენიჭება შეღავათი შემდეგი ოდენობით:

ა) 73 – დან 125 – მდე ქულა – 100 %

ბ) 66 – დან 73 – მდე ქულა – 70%

გ) 58 – დან 66 – მდე ქულა – 50%

შოთა რუსთაველის სახელმწიფო უნივერსიტეტის
ადმინისტრაციის ხელმძღვანელს (კანცლერს),

ბატონ ედიშერ ჩავლეიშვილს

რსუ-ს -----

ფაკულტეტის სტუდენტ

(სახელი, გვარი)

(პირადი ნომერი)

გ ა ნ ც ხ ა დ ე ბ ა

ვსწავლობ „შოთა რუსთაველის სახელმწიფო უნივერსიტეტი“-ს -----

(ფაკულტეტი, სპეციალობა, კურსი)

მივეკუთვნები სპეციალური სასწავლო სოციალური პროგრამით გათვალისწინებულ -----

-----კატეგორიას.

გთხოვთ, განიხილოთ ჩემი კანდიდატურა რსუ-ს სპეციალური სასწავლო სოციალური პროგრამის დაფინანსების ფარგლებში.

დანართი: ----- ფურცელი.

განმცხადებლის საკონტაქტო ინფორმაცია:

მისამართი: -----

ტელეფონი: ----- მობილური -----

E:mail -----

გავეცანი „სპეციალური სასწავლო სოციალური პროგრამის განხორციელების წესს“ და ვადასტურებ, რომ ჩემს მიერ წარმოდგენილი დოკუმენტაცია შეესაბამება დადგენილ მოთხოვნებს.

(ხელმოწერა)